

اتوار 19 جنوری، 2020

مضمون۔ حیاتی

سنہری متن: زبور 14:27 آیت

”خداوندی آس رکھ مضبوط ہوتے تیرا دل قوی ہووے۔ ہاں خداوندی آس رکھ۔“

جوابی پڑھائی: لوقا 12 باب 22 توں 24، 27 توں 32 آیتاں

22۔ اپنی جان دی فکر نہ کرو پئی اسی کیہ کھاواں گے تے نہ اپنے بدن دی پئی اسی کیہ پاناواں گے۔

23۔ کیوں بے جان خوراک توں ودھ کے اے تے بدن لباس توں۔

24۔ کانواں ول غور کرو پئی نہ بوندے نیں نہ وڈھ دے نیں تے نہ اوہناں دا کوئی کھتا ہندا اے نہ کوٹھی تے فیر

وی رب اوہناں نوں کھواندا اے۔ تہاڈی قدر تے پرندیاں توں کیتے ودھ اے۔

27۔ سو سن دے رکھاں اُتے دھیان کرو پئی کیوں ودھ دے نیں۔ اوہ نہ محنت کردے نیں نہ کت دے نیں

تے فیر وی میں تہانوں سچی اکھداں پئی سلیمان وی اپنی ساری شان و شوکت دے باوجود اوہناں وچوں کسے

وانگر ملبس نیں سی۔

28۔ ایس لئی جدوں رب میدان دی گھاہ نوں جیہڑی آج اے تے کل تنور وچ بالی جاوے گی اجیہا لباس پواندا اے تے اے گھٹ اعتقاد و تہانوں کیوں نہ پوائے گا؟

29۔ تے تسی ایہدی تلاش وچ نہ رہو و پئی کیہ کھانواں گے تے کیہ پانواں گے تے نہ شکی بنو۔

30۔ کیوں جے ایہناں ساریاں شیواں دی تلاش وچ جگ دیاں قوماں رہندیاں نیں پر تہاڈا پیو جان دا اے پئی تہانوں ایہناں شیواں دی لوڑاے۔

31۔ ہاں اوہدی بادشاہی دی تلاش وچ رہو تے ایہہ شیواں وی تہانوں مل جان گیاں۔

32۔ اے نکلے گلے نہ ڈر کیوں جے تہاڈے پیونوں پسند آیا پئی تہانوں بادشاہی دیوے۔

درسی وعظ

بائبل وچوں

1۔ گنتی 13 باب 20 آیت (تسی بنو) (توں پہلا)۔

20۔۔۔۔۔ تہاڈی ہمت بنھی رہوے تے ایس ملک دا پھل لیندے آو۔

2- وعظ 3 باب 11، (توں: 14 آیتاں)

11- اوہنے ہر اک شے نوں اوہدے ویلے اُتے چنگا بنایا۔

14- تے مینوں یقین اے پئی سب کجھ جو رب کردا اے ہمیشہ لئی اے۔ ایہدے وچ کجھ گھاٹا وادھانسیں ہو سکداتے رب نے ایہہ ایس لئی کیتا اے پئی لوک اوہدے حضور ڈردے رہن۔

3- رومیوں 8 باب 28 آیت

28- ساہنوں پتہ اے پئی ساریاں شیواں رب نال پیار کرن والیاں لئی بھلیائی پیدا کردیاں نیں یعنی اوہناں لئی جیہڑے رب دے ارادے دے موافق بلائے گئے۔

4- استثناء 30 باب 16 آیت (میں)

16- میں آج دے دن تینوں حکم دینا نوں پئی توں خداوند اپنے رب نال پیار کریں تے اوہدیاں راہواں اُتے ٹریں تے اوہدے فرمان تے آئیں تے حکماں نوں منیں تاں جو توں جیوندار ہویں تے ودھیں تے خداوند تیرا رب اوس ملک وچ تینوں برکت بخشے جیدے اُتے قبضہ کرن نوں توں او تھے جارہیاں۔

5- استثناء 31 باب 1 توں 3 (توں دو جا)، 7، 8، 22، 23 آیتاں

- 1- تے موسیٰ نے جا کے ایہہ ساریاں گلاں اسرائیلیاں نوں سنایاں۔
- 2- تے اوہناں نوں آکھیا میں تے آج دے دن اک سووی ورھیاں داواں۔ میں ہن ٹر پھر نہیں سکدا تے خداوند نے مینوں آکھیا اے پئی توں ایس یردن پار نہیں جانویں گا۔
- 3- ایس لئی خداوند تیرا رب ای تیرے آگے آگے پار جاوے گا۔
- 7- فیر موسیٰ نے یثوع نوں بلا کے سارے اسرائیلیاں دے سامنے اوہنوں آکھیا پئی توں مضبوط ہو جاتے حوصلہ رکھ کیوں جے توں ایس قوم دے نال اوس ملک وچ جانویں گا جنہوں خداوند نے اوہناں دے پیو دادے نال قسم کھا کے دین نوں آکھیا سی تے توں اوہناں نوں اوہدا وارث بناوے گا۔
- 8- تے خداوند ای تیرے آگے آگے ٹرے گا۔ اوہ تیرے نال رہوے گا۔ اوہ تیتھوں دستبردار نہ ہووے گا تے نہ تینوں چھڈے گا ایس لئی توں ڈرنہ تے بے دل نہ ہو۔
- 22- ایس لئی موسیٰ نے اوسے ای دن ایس گیت نوں لکھ لیا تے بنی اسرائیل نوں سکھایا۔
- 23- تے اوہنے نون دے پتر یثوع نوں ہدایت کیتی تے آکھیا مضبوط ہو جاتے حوصلہ رکھ کیوں جے توں بنی اسرائیل نوں اوس ملک وچ لے جانویں گا جیدی قسم میں اوہناں نال کھادی سی تے میں تیرے نال رہواں گا۔

6- یثوع 1 باب 1 توں 9 آیتاں

1- تے خداوند دے بندے موسیٰ دے مرن توں بعد ایلج ہو گیا پئی خداوند نے اوہدے خادم نون دے پتریشوع نون آکھیا۔

2- میرا بندہ موسیٰ مر گیا اے ایس لئی ہن توں اٹھتے ایہناں ساریاں لوکاں نون نال لے کے یردن دے پار اوس ملک وچ جا جیہڑا میں اوہناں نون یعنی بنی اسرائیل نون دینا نواں۔

3- جیہڑی جیہڑی تھیں تہاڈے پیردی تلی بیٹھاں آوے اوہنوں جیویں میں موسیٰ نون آکھیا اے میں تہانوں دتا۔

4- بیابان تے اوس لبنان توں لے کے وڈھے دریا یعنی دریائے افرات تیکر حتیاں داسار املک تے مغرب وُل وڈھے سمندر تیکر تہاڈی حد ہووے گی۔

5- تیری ساری عمر کوئی بندہ تیرے سامنے کھڑا نہ رہ سکے گا۔ جیویں میں موسیٰ دے نال سی اونچ ای تیرے نال رہو اگا۔ میں نہ تیتھوں دستبردار ہونواں گا نہ تینوں چھڈاں گا۔

6- ایس لئی مضبوط ہو جاتے حوصلہ رکھ کیوں جے توں ایس قوم نون اوس ملک دا وارث کرانویں گا جنہوں میں اوہناں نون دین دی قسم اوہناں دے پیو دادے نال کھادی۔

7- توں صرف مضبوط تے بوہت بہادر ہو جا پئی احتیاط رکھ کے اوس ساری شریعت اُتے عمل کریں جیہدا حکم میرے بندے موسیٰ نے تینوں دتا۔ اوہدے توں نہ سبجے مڑیں نہ کھبے تاں جوں جتھے کتے توں جانویں تینوں چنگی کامیابی حاصل ہووے۔

8- شریعت دی ایہہ کتاب تیرے منہ توں نہ بٹے بلکہ تینوں دن تے رات ایہدا ای دھیان ہووے تاں جو جو کجھ ایہدے وچ لکھیا اے اوس سارے اُتے توں احتیاط کر کے عمل کر سکیں کیوں جے فیرا تینوں اقبال مندی دی راہ نصیب ہووے گی تے توں چنگا کامیاب ہونویں گا۔

9- کیہ میں تینوں حکم نسئں دیتا؟ ایس لمی مضبوط ہو جاتے حوصلہ رکھ۔ ڈرنہ تے بے دل نہ ہو کیوں جے خداوند تیرا رب جتھے جتھے توں جانویں گا تیرے نال رہوے گا۔

7- یسعیاہ 40 باب 28 تا 31 آیتاں

28- کیہ توں نسئں جان دا؟ کیہ توں نسئں سنیا پئی خداوند خدائے ابدی تے ساری دھرتی دا خالق تھکد انسئں تے ماندہ نسئں ہندا اوہدی حکمت سمجھ توں باہر اے۔

29- اوہ تھکے ہوئے نوں زور بختند اے تے ماڑے دی طاقت نوں بوہتا کردا اے۔

30- نوجوان وی تھک جان گے تے ماندہ ہوون گے تے سورما بالکل ڈگ پین گے۔

31- پر خداوند دی اڈیک کرن والے نوں سرے توں زور حاصل کرن گے۔ اوہ عقاباں وانگر والاں تے پراں نال اڈن گے تے دوڑن گے تے نہ تھکن گے۔ اوہ چلن گے تے ماندہ نہ ہوون گے۔

8- یسعیاہ 41 باب 6، 13 آیتاں

6- اوہناں وچوں ہر اک نے اپنے گوانڈی دی مدد کیتی تے بھرانوں آکھیا پئی حوصلہ رکھ۔

13- کیوں جے میں خداوند تیرا رب تیرا سجا ہتھ پھڑ کے آکھاں گانہ ڈر میں تیری مدد کراں گا۔

9- فلپیوں 2 باب 12 (کم) توں 16 آیتاں

- 12- -- ڈردیاں تے کمبدیاں ہوئے اپنی مکتی دے کم کر دے جاو۔
- 13- کیوں جے جیہڑا تہاڈے وچ جنیت تے عمل دونواں نوں اپنے نیک ارادے نوں انجام دین لئی پیدا کر دالے اوہ رباے۔
- 14- سارے کم شکایت تے لڑائی جھگڑے توں بغیر کریا کرو۔
- 15- تاں جو تسی بے عیب تے بھولے ہو کے ڈنگے تے کج رولو کاں وچ رب دے بے نقص پتر بنے رہو و (جنماں دے وچ کار تسی جگ وچ چراغاں وانگر وکھالی دیندے او۔
- 16- تے حیاتی دا کلام پیش کر دے او تاں جوں مسیح دے دن مینوں فخر ہووے پئی نہ میری تیج دوڑ بے فائدہ ہوئی تے نہ ای میری محنت ضائع ہوئی۔

10- افسیوں 2 باب 10 آیت

- 10- کیوں جے اسی اوہدی ای کار یگری آں تے مسیح یسوع وچ اوہناں نیک کماں لئی مخلوق ہوئے جنماں نوں رب نے پہلاں توں ساڈے کرن لئی تیار کیتا سی۔

11- 1 پوحتا 2 باب 24، 25 آیتاں

- 24۔ جو تسی شروع توں سنیا اے اوہ ای تہاڈے وچ قائم رہوے۔ جو تسی شروع توں سنیا اے جے اوہ تہاڈے وچ قائم رہوے تے تسی وی پترتے پیو وچ قائم رہو گے۔
- 25۔ تے جید اوہنے ساڈے نال وعدہ کیتا اے اوہ ہمیشہ دی حیاتی اے۔

سائنس تے صحت

1- 7-5:550

رب حیاتی یا ذہانت اے جیہڑا جانوراں تے ایہدے نال نال انسانوں دی وی پچھان تے انفرادیت نوں بناؤندا تے بچا کے رکھدا اے۔

2- 1-27:487

ایہہ سمجھ پئی حیاتی رب، روح اے، حیاتی دی نہ مگن والی اصلیت اے، اوہدی قدرت تے لافانیت اے تے یقین رکھن نال ساڈے دن لمے کر دالے۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

ایمان اک سمجھے وپئے اصول اُتے انحصار کردا اے۔ ایہہ اصول بیمار نوں ٹھیک کردا اے تے برداشت تے شیواں ہم اہنگ مرحلیاں نوں ظاہر کردا اے۔

3- 258:13-15، 16-18، 21-27

ایہدی وسعت تے حدوں باہر بنیاداں توں اُچی پرواز نوں ودھاؤندیاں ہوئے رب انسان وچ لا محدود خیال نوں ظاہر کردا اے۔۔۔۔۔ اسی اصلی الہی صورت تے شبیہ دے بارے ایہناں نئیں جان دے جنہاں اسی رب دے بارے جان دے آں۔

انسان دیاں قابلیتیاں ایس تناسب نال ودھائیاں یا کامل کیتیاں جان دیاں نہیں جیدے نال انسان رب تے بارے اصلی نظریہ حاصل کردا اے۔

بشر نوں روحانی انسان دی تے اوہدے خیالاں دی لا محدود وسعت دی بوہت نامکمل سمجھ سے۔ ابدی حیاتی اوہدے نال تعلق رکھدی اے۔

4- 265:10-15

ہستی داسائنسی فہم، مادے دی روح نوں ترک کر دیاں ہوئے ءکسے صورت رب وچ انسان دے انجزاب تے
اوہدی شناخت دی گمشدگی دیاں تجویزاں نئیں دیندا، پر انسان اُتے اک وسیع انفرادیت، اعمالاں تے خیالاں دا
کھلا دائرہ، مزید قیمتی پیار، اک اُچا تے مزید مستقل سکون عطا کر دالے۔

5- 20-16:317

انسان دی انفرادیت گھٹ ٹھوس نئیں اے کیوں جے ایہہ روحانی اے تے کیوں جے اوہدی حیاتی مادے دے
رحم و کرم اُتے نئیں اے۔ اپنی روحانیت انفرادیت دی سمجھ انسان نوں ہو راصلی، سچائی وچ ہو ر مضبوط
بناؤندی اے تے اوہنوں پاپ، بیماری تے موت نوں فتح کرن دے قابل بناؤندی اے۔

6- 19-14:128

ہستی دی سائنس دا علم انسان دی قابلیت دے فن تے امکاناتاں نوں ودھاؤندا اے۔ فانی لوکاں نوں اُچی تے
کھلی ریاست تیکر اُڑاندے ہوئے ایہہ سوچ دے ماحول نوں ودھاؤندا اے۔ ایہہ سوچن والے نوں اوہدی
سمجھ تے عقل دی ہو اوچ وڈھا کر دالے۔

7- 31-17،7-6:167

اسی الہی سائنس وچ حیاتی نوں صرف اُہدوں سمجھدے آں جدوں اسی بدنی حس توں ودھ حیاتی گزاردے آں
تے ایہنوں درست کردے آں۔

اک رب نوں منن تے اپنے آپ نوں روح دی قوت لئی دستیاب کرن لئی تہانوں رب دے نال بے حد پیار
کرنا ہووے گا۔

”بدن روح دے خلاف خواہش کردا اے۔“ بدن تے روح کسے کم وچ ایہنے کٹھے نہیں ہو سکدے جنسی نیکی
بدی دے نال متفق ہو سکدی اے۔ ساکن ہونا تے درمیانی راہ اپنانا یا روح تے مادے، سچائی تے غلطی نال
کٹھے کم کرن دی امید رکھنا عقلمندی نہیں۔ راہ اے پر صرف اک، یعنی، رب تے اوہد اخیال، جیہڑا روحانی ہستی
وَل راہنمائی کردا اے۔ بدن اُتے سائنسی حکمرانی الہی ستیان دے پاروں حاصل ہونی چاہیدی اے کسے دو بے
طریقے نال بدن اُتے قابو پانا ممکن اے۔ ایس بنیادی نقطے اُتے، کمزور قدامت پسندی بالکل ناقابل قبول
اے۔ سچائی اُتے صرف انتہائی بھروسے دے پاروں ای سائنسی شفا سیہ قوت نوں محسوس کیتا جا سکدا اے۔

8- 32-30:483

کسے بندے نوں اپنا مشن بغیر بزدلی یا منافقت دے پورا کرنا چاہیدا اے کیوں بے چنگی کار کردگی لئی بے غرضی
نال کم کیتا جانا چاہیدا اے۔

9- 18-10:514

اخلاقی حوصلہ ”یہودہ دے قبیلے دا بر“، ذہنی بادشاہت دا بادشاہ۔ ایہہ جنگل وچ آزاد دے بغیر ڈردے کمد اے۔ کھلے میدان وچ ایہہ چپ کر کے میٹھیار ہندا اے یا ”نہریاں چراہگا ہواں وچ۔۔۔ پانی دے چشمیاں کول“ ایہہ آرام کردا اے۔ الہی فراست توں انسانی تشبیہی ترسیل وچ، جانفشانی، چالاکی تے ثابت قدمی ”ہزاراں پہاڑاں دے چوپائیاں“ وانگر سمجھے جاندے نیں۔ اوہ پکا حل ہوون والا سامان لیندے نیں تے وڈھے مقصد اں لئی رفتار ودھاؤندے نیں۔

10- 6-32:28

معاشرے وچ جانوراں والی حوصلہ افزائی بوہت اے تے اخلاقی حوصلہ افزائی نیں اے۔ مسیحیاں نوں گھر وچ تے باہر غلط شے دے خلاف ہتھ چکنے چاہیدے نیں۔ اوہناں نوں اپنے تے دو جیاں دے پاپاں دے خلاف محاذ کھولنا چاہید اے، تے اپنا مقصد حاصل ہوون تیکر ایہہ جنگ جاری رکھنی چاہیدی اے۔ جے اوہ ایمان رکھدے نیں تے اوہناں نوں خوشی داتا ج ملے گا۔

11- 3-29، 25-22:97

سچ بولن لئی ہمت دی لوڑ ہندی اے؛ کیوں جے سچائی جنسی بوہتی اپنی آواز اُچی کر دی اے، غلطی دی چنچ اوہنی ای اُچی ہووے گی، جد تیکر پئی فراموشی وچ ایہدی غیر واضح آواز نوں ہمیشہ لئی خاموش نہ کردتا جاوے۔

مسیحیت اوس حیاتی نوں جیہڑی سچائی اے تے اوس سچائی نوں جیہڑی حیاتی اے بیماراں نوں شفا دین تے غلطی نوں دور کرن دے رسولی کماں دے پاروں دوبارہ ظاہر کر رہی اے۔ اوہناں تکلیفاں لئی دھرتی اُتے کوئی معاوضہ نہیں اے جیہڑیاں مسیحیت وچ نویں پیراں نوں ملدیاں نیں؛ پر فانی مخالفت توں اُتے وجودیت دی اُچھائی وچ تے الہی پیار دے تحفے تکلیف سہن والیاں نوں روحانی اجر دی یقین دہانی ملدی اے۔

12-10،6-2:254 -12

اوہ لوک مضبوط ہندے نیں جیہڑے دھیان رکھدیاں ہوئے تے دعا کردیاں ہوئے ”نس دے نیں تے تھک نہیں سکدے۔۔۔ ٹردے نیں تے ماندہ نہیں ہو سکدے“، جیہڑے چھیتی نال چنگلیائی حاصل کردے نیں تے اپنی ایس حالت نوں برقرار رکھدے نیں، یا ہولی ہولی حاصل کردے تے نہ امید ی نوں نہیں پیدا ہوون دیندے۔

جدوں اسی صبر نال رب دی اڈیک کردے آں تے راستبازی نال سچائی نوں لبھدے آں تے اوہدی ساڈی راہ وچ ہدایت کردا اے۔

13- 22-16:326

ڈھنگ نال حیاتی گزارن دا مقصد تے غرض ہن حاصل کیتے جاسکدے نیں۔ ایہہ فتح کیتا گیا نقطہ تسی اونج ای شروع کیتا جیویں ایہہ کرنا چاہیدا سی۔ تسی کر سچن سائنس دا عددی جدول شروع کیتا اے، تے کجھ نہیں ہووے گا سوائے ایس دے پئی غلط نیت تہاڈی ترقی وچ رکاوٹ بنے گی۔ سچے مقصد دے نال کم کرن تے دعا کرن نال تہاڈا بیو تہاڈے لئی راہ کھول دیوے گا۔ ”کنسے تہانوں حق نوں منن توں روک دیتا؟“

14- 23-10:262

ساہنوں مادے وچ سچائی تے حیاتی نوں لبھن لئی ساڈے کمزور اضطراب نوں پلٹنا چاہیدا اے، تے مادی حواس دی شہادت توں اچا، فانی خیال توں رب دے لافانی خیال تیکر اچا اٹھنا چاہیدا اے۔ ایہہ واضح تر تے اچے خیال رب دے بندے نوں اپنی ہستی دے احاطے تے مکمل مرکز تیکر اپڑن لئی حوصلہ افزائی دیندے نیں۔

ایوب نے آکھیا، ”میں تیری خبر کن نال سنی سی، پر ہن میری اکھ تینوں دیکھدی اے۔“ بشر ایوب دے خیالاں نوں پھیلان گے، جدوں مادے دی فرضی تکلیف تے خوشی اگے ودھنا چھڈ دیندی اے۔ فیر اوہ حیاتی تے خوشی، دکھ تے شادمانی دے جھوٹے اندازے لاؤن گے تے اوہ بے غرضی، صبر نال کم کرن تے اوہناں ساریاں نوں جتدیاں ہویاں جیہڑے رب دے وانگر نہیں محبت دی نعمت حاصل کرن گے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔